



Qaasuitsup Kommuniani Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

Aallaqqaasiut

Isumaqatigiissut Qaasuitsup Kommuniani Kommunalbestyrelse-p aammalu (Nunaqarfiit tamarmik) Nunaqarfinni Aqutsisut akornanni isumaqatigiissutaavoq. Isumaqatigiissummi suliassaqaqarfinnut, aningaasaqarnermut ingerlatsinermullu pisussaaffiliinerit pisinnaatitsinerillu pineqarput.

Isumaqatigiissut 1. januar 2010-miit atuutilissaaq qinigaaffiullu naanerata tungaanut atuutissalluni imaluunniit Kommunalbestyrelse allatut aalajangernissaata tungaanut.

Isumaqatigiissummi suliassat pingaarnertit pineqarput suliassalli nutaat annerusullu Ataatsimiititaliat ataavaartuniit tunngavilersorneqarlutik. Suliassat ingerlanneqarnissaat aningaasaliissutaasut sinaakkusiunneqartut iluini ingerlanneqassapput.

Isumaqatigiissutip siunertaraa Kommunalbestyrelse-p Nunaqarfinnilu Aqutsisut akornanni ingerlatseqatigiinnerup ersarissarnissaa. Isumaqatigiissummi suliassaqaarfiit ingerlataasut siunissamilu ingerlatassat aningaasatigut atugarisatigullu tunngavilersorneqarnissaannut isummersoqatigiinnissamut tunngavigineqassalluni. Isummersoqatigiinneq ammasuusariaqarpoq makkunanngalu siunertaqassalluni:

- Akisussaaffiit, pisussaaffiit sularinninnissallu ersarissassallugit
- Killiliussat aammalu najoqqutassat paasiuminarsarneqarnissaat ersarissinneqarnissaallu
- Suliassaqaqarfinni nalimmassaanerup assigiissaarinerullu ersarissarneqarnissaa
- Ineriartonermtunaaqarsat ersarissarnissaat

Kommunalbestyrelse-miit aningaasaliissutaasut ersarissarnissaat

Isumaqatigiissut una inatsisini tunngavittut atorneqarsinnaangilaq taamaalillunilu eqqartuussivilersuussinermi tunngavissatut atorneqarsinnaanani. Qaasuitsup Kommuniani Kommunalbestyrelse-p inatsisinut tunngasut aningaasaliissutinullu tunngasut suli akisussaaffigai. Nunaqarfinni Aqutsisut sunik anguniaqassanersoq sunalu anersaaralugu sulissanersoq isumaqatigiissummi uani taamaallaat erseqqissarneqarpoq; soorlu sullissinerup pitsaasumik kiffartuussivigineqarnissaannik politikikkut piumasaqaataasut aamma isumaqatigiissummi uani erseqqissarneqarput.

Kommunalbestyrelsep isumaqatigiissut sukkulluunniit atorunnaarsisinnaavaa imaluunniit allannguiffigisinnaavaa.

Nunaqarfinni Aqutsisut naammassisimasaanik naliliinermi – anguniakkat, suliassat naammasseqqusat, aningaasaqarnerup malinnaagivineqarnera assigisaasaluunniit – naammaginartumik sularineqarsimangippata siunissami suliassat allannguiffigeqquneqarsinnaapput.



Qaasuitsup Kommunia Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

Sillissinermut siunertat piumasaqaatillu

Siunertat

Nunaqarfinni Aqutsisut Kommunalbestyrelse-p politikikkut siunniussaas aammalu anguniagaat tunngavigalugit ingerlatsissapput tassani nalimmassaaneq assigiissaarinerlu sullissinermi ataavaartumik ingerlanneqassalluni. Isumaqatigiissut marloqiusaavoq. Tunngaviummik isumaqatigiissut una aammalu Nunaqarfinni Aqutsisut ukiumut pilersaarutaat. Ukiumut pilersaarut Nunaqarfinni Aqutsisut akisussaaffigissavaat Kommunalbestyrelse-miillu akuersissutigineqassalluni.

Ukiumut pilersaarummi Kommunalbestyrelse-p politikikkut anguniagai aammalu najoqqutassiai aallaavigineqassapput. Ukiumut pilersaarummi Nunaqarfinni Aqutsisut namminneq siunniussaas anguniagaallu taakkulu qaqugukkut naammassineqarnissaas aamma ilanngunneqassapput. Ukiut siuliini siunniussas aammalu anguniakkat killiffii ukiumut pilersaarutip nalilersorneqarneranut ilanngunneqassapput. Killiffinnik naliliineq Nunaqarfinni Aqutsisut akisussaaffigaat ukiullu tamaasa januar-imi Kommunalbestyrelse-mut tunniunneqartassalluni. Kommunalbestyrelse-mut nalunaarusiap ukiumut pilersaarusiap akuerineqarsimasoq aallaavigissavaa.

Nunaqarfinni allaffissornikkut sullissinermut naatsorsuutigineqartut

Nunaqarfinni allaffissornikkut sullissinermi makku naatsorsuutigineqarput:

- Ilinniagaqarsimanissaq ilinniakkamillu nutarsaanissaq
- Inuiaqatigiinni pissutsinut aammalu sullissinermut piumasaqaatinut malinnaaneq
- Suliassaqarfinnut tunngassutilinnut inatsisitigut malinnaaneq
- Ineriartortitserusunneq siumullu isigisinnaaneq
- Sullitanut pingaartitsineq sullissinerullu pitsaassusianut nakkutiginnilluarneq
- Aningaasaliissutaasunut eqqummarinneq aammalu atuilluarnissamut sillimaneq
- Suleqatigiinnikkumassuseqarneq, tassanilu ilinnikkat suliassaqarfiillu akimorlugit suleqataasinnaaneq
- Politikikkut aalajangiussanut ataqqinninneq
- Ingerlatassat siunertanut anguniakkunut siunniussanullu naapertuuttumik ingerlaniissas
- Politikikkut kissaateqartoqarpat Ataatsimiititaliat ataavaartut ataatsimiinnerini peqataanissamut pisussaaffeqarneq

Allaffissornermi ingerlatsinermi pisussaaffiit akisussaaffiillu



Qaasuitsup Kommuniani Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

Akisussaaffiit pisussaaffiillu Nunaqarfinni Aqutsisunut Kommunalbestyrelse-miit tunniunneqarput. Taamaalillutik Nunaqarfinni Aqutsisut isumaqatigiissutip naapertuuttumik ingerlanneqarneranut aammalu ukiumut pilersaarutit malinneqarnerannut akisussaasuullutik.

Nunaqarfinni Aqutsisut aningaasanik killiliussat malillugit ingerlanneqarnerat akisussaaffigaat taamaalillutillu Kommunalbestyrelse-mut akisussaaffeqarlutik. Aningaasaliissutaasut iluini atuisinnaanermut Nunaqarfinni Aqutsisut pisinnaatitaapput (takuuk aallaqqaasiut).

Allaffissornikkut ingerlatsisut akisussaaffii

Allaffissornikkut sulisut ukiumut pilersaarutip suliarineqarnera akisussaaffigaat. Tassani Nunaqarfinni Aqutsisut anguniagaat, siunertaat aammalu ingerlatsinermut pilersaarutaat ilaatinneqassallutik. Nunaqarfinni Aqutsisut ukiumut pilersaarut akuersissutigissavaat Kommunalbestyrelse-mullu akuersissanngorlugu nassiutissavaat. Nunaqarfinni Siulersuisut qulakkiissavaat ukiumut pilersaarummi ilanngunneqartut Kommunalbestyrelse-p politikikkut anguniagaanut najoqqutassiaanullu naapertuuttuunissaa.

Allaffissornikkut sulisut ukiumut pilersaarummi politikikkut aalajangiussat piviusunngortinnissaat suliarinissaallu akisussaaffigaat. Allaffissornikkut sulisut ilanngullugu ukiumut suliat ingerlanneqarsimanerisa nalunaarusiornissaat.

Allaffissornikkut sulisut Qaasuitsup Kommuniani sulisut allat peqatigalugit suleqatigiinnermut ilaapput. Suleqatigiinnermi Qaasuitsup Kommuniani politikikkut siunertat, anguniakkat suliassaqaarfinnilu allani ingerlatsinerit anguneqarnissaat qulakkearniarneqarpoq.

Allaffissornikkut sulisut Nunaqarfinni Aqutsisut peqatigalugit ataatsimiinnerit Kommunalbestyrelse-p maleruagassiaat malillugit ingerlanneqartarnissaat. Allaffissornikkut sulisut Nunaqarfinni Aqutsisunut siunnersuinissamut pisussaapput aammalu Nunaqarfinni Aqutsisut aalajangiussaasa apuunneqartarnissaat akisussaaffigalugu.

Allaffissornikkut sulisut Nunaqarfinni Aqutsisut sinnerlugit aalajangiussat aammalu apeqquteqaatissat ingerlateqqittassavaat.

Nunaqarfinni Aqutsisut naatsorsuutaat Kommunalbestyrelse-miit toqqakkamik kukkunersiorneqartassapput.

Nunaqarfinni allaffissornikkut sulisut

Nunaqarfinni allaffissornikkut sulisut suliassat ataasiakkaat suliarineqarneri akisussaaffigaat. Suliassat inatsisit Kommunalbestyrelse-miillu najoqqutassiat malillugit suliarineqartarnissaat akisussaaffigaat.



Qaasuitsup Kommuniani Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

Nunaqarfimmi Aqutsisut suliat inatsisit malillugit suliat ingerlanneqarnerat nakkutigissavaat taamaattorli sulianut ataasiakkaanut aammalu ulluinnarni ingerlatsinermut aalajangiisinnaassuseqaratillu akulerussunnaanatik.

Allaffimmi sulisut suliat Nunaqarfimmi Aqutsisunut saqqummiunneqarnissaasa suliarineqarnerat akisussaaffigaat aammalu Nunaqarfimmi Aqutsisuni ilaasortaniit siunnersuutigineqartut saqqummiunneqarnissaasa suliarinerat akisussaaffigalugu.

Sullissiveqarimmi aningaasaqarnermut immikkoortortaqaarfiit qanimut suleqatigineqassapput. Aningaasaqarnermut immikkoortortaqaarfiit nunaqarfimmi allaffissornikkut ingerlatsisut sinnerlugit aningaasartuutaasimasunut naqiterinerit (bogholderi), missingersuutit aammalu naatsorsuutit ingerlanneqarneri suliarineqassapput.

Sullissiveqarfimmi pisortaq (Områdechef) sulisoqarnermut qullersaavoq. Pisortap sulisunik atorfinittisinerit soraarsitsinerillu Qaasuitsup Kommuniani najoqqutassat aammalu sulisoqarnermut inatsisit malillugit ingerlanneqarneri akisussaaffigai.

Nunaqarfimmi allaffissornikkut sulisut sukkulluunniit suliassaqaarfinnut immikkoortortaqaarfinniit siunnersorneqarsinnaapput. Suliassanut annertuunut Sullissiveqarfimmi pisortaq peqatigalugu sulisunik allanik atuisinnaanissaq ingerlanneqarsinnaavoq.

Nunaqarfimmi allaffissornikkut sulisut Sullissiveqarfimmi pisortaq taassumaluunniit tullersortaa qullersaraat.

Nunaqarfimmi Aqutsisut nunaqarfimmi allaffissornikkut ingerlatsinerup nakkutigineqarnissaanut pisariaqartitsiginik Sullissiveqarfimmi pisortaq saaffigissavaat.

Aningaasatigut sinaakkusiussat

Aningaasanut sinaakkusiussat tassaapput ukiumi pineqartumi sinaakkusiussat ukiullu missingersorfiusunut aningaaliissutit kontot immikkoortiterneqarneri malillugit.

Kommunalbestyrelse-p aningaasaliissutissat kisitsisinut siullernut arfinilinnut aalajangersussavai. Nunaqarfimmi Aqutsisut aalajangiussaasut iluini (kisitsisit arfineq aappaanniit) aningaasanik nuussinnaatitaapput. Erseqqissaatigineqassaaq aningaasarsianut aningaasaliissutit ingerlatsinermut atugassanngorlugit nuunneqarsinnaanngimmata taamatullu ingerlatsinermut aningaasaliissutit akissarsianut aningaasaliissutinut nuunneqarsinnaanatik.

Kommunalbestyrelse-p aningaasaliissutaasa nuunneqarnissaannut allannguiffigineqarnissaannulluunniit kissaateqarneq Aningaasaqarnermut Ataatsimiititaliamut qinnutigineqartassapput.



Qaasuitsup Kommuniani Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

Nunaqarfimmi allaffissornikkut sulisut aningaasanik atuineq sioqqullugu aningaasartuutissap matussutissaqartitsinneqarnera qulakkiissavaat, takuuk Qaasuitsup Kommuniani karseqarnermut naatsorsuuserinermullu najoqqutassaq.

Illuutininik aserfallatsaaliineq

Illuutininik aserfallatsaaliinermi illuutit ilui silataallu pineqarput. Sanaartugassat aserfallatsaaliinerillu annertuut isumaqatigiissummut ilaatinneqanngillat.

Sullissiveqarfimmi Sanaartornermut immikkoortortaqarfik peqatigalugu minnerpaamik ukiumut ataasiarluni illuutit misissorneqartassapput. Misissuinermi siunertarineqassaaq annerusumik aserfallatsaaliinissamut aammalu sanaartugassanut tullerriaarineq. Sanaartugassanut aammalu annertunersumik aserfallatsaaliinermut pingaarnersiuiineq Kommunabestyrelse-miit aalajangersaavigineqassaaq. Suliassatut aalajangerneqarsimasut Sanaartornermut immikkoortortaqarfiup nunaqarfimmi allaffissornikkut sulisullu peqatigiillutik ingerlattassavaat. Sanaartugassanut annerusumillu aserfallatsaaliunissamut Kommunalbestyrelse-miit aningaasaliussat Sanaartornermut ingerlatsiveqarfiup aqussavai. Sanaartukkanut nakkutilliinermut atatillugu ikuallattoornermut sillimaniarnissamut nakkutilliineq ilanngullugu ingerlanneqartassaaq.

Ukiup ingerlanerani aserfallatsaaliinissamut suliassat pilersut aningaasaliissutaasuniit akilerneqartassapput.

Sillimmasiinerit

Sillimmasiinermut apeqqutit tamarmik nalunaarsorneqarnerallu Sullissivimmut nalunaarutigineqartassapput. Tunngaviatigut ajutoorutit tamarmik - inunnut pigisanullu – nalunaarutigineqartassapput nalilersorneqarnissaat siunertaralugu.

Isertitat attartortitsinerlu

Atortuutit atornikut taamaallaat taarsiisoqartillugu pisinnaavoq.

Najoqqutassat, inatsisit kommunillu akiliutinut aalangersagaat malinneqarpat Nunaqarfinni aqutsisut attartortitsinermut atuisussaq peqatigalugu akiliutaasussamik isumaqatigiissuteqarsinnaapput.

Nunaqarfimmi Aqutsisut missingersuutaasut avaqqullugit isertitaqarsinnaapput isertitsissutaasussaq missingersuutaasuni ilaatinneqarsimanngippat.

Isertitat nalunaarsorneqarnissaat paarineqarnissaallu qulakkeerneqarnissaat siunertaralugu Karseqarnermut naatsorsuuteqarnermullu malittarisassa innersuussutigineqarput.

Pisiniartarneq pisiniartarnermullu isumaqatigiissutit

Tamanut atuuttumik pisiniartarnermut isumaqatigiissuteqartoqarsimatillugu isumaqatigiissutit luini tunngaviatigut pisiniarsinnaanermut killeqartitsisoqanngilaq.



Qaasuitsup Kommunianni Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

Qarasaasiaqarnermut atortunut pisiniarnermi tamatigut Sullissiveqarfimmi qarasaasiaqarnermut akisussaasoq peqatigalugu pisiniarnerit ingerlanneqartassapput.

Tamanut atuuttumik pisiniartarnermut isumaqatigiissutit pinngitsoorani malinneqartassapput.

Napparsimaneq sivisuumillu napparsimaneq

Napparsimasoqartillugu sivisuumillu napparsimasoqartillugu Nunaqarfimmi Aqutsisunut aningaasaliissutaasuniit matussuserneqartassapput.

Sulisitsinermi pisussaaffiit

Nunaqarfimmi allaffissornikkut sulisut pisussaaffigaat suliassaqarfinni makkunani sulisitsinnaanissartik:

- Sulisinnaanermut misiliinerit, piginnaanngorsaanerit il. il.
- Ilinniartoqarnerit

Sulisinnaanermik misiliisussanik, piginnaanngorsaanerit il. il. nalilersorneqarnerat Sullissivinni inunnik isumaginninnermut suliffissarsiuissisarfillu peqatigalugit nalilersorneqartassapput.

Ilinniartussanik naliliinerit isumaqatigiissusiornerillu Sullissivinniit akisussaaffigineqarput.

Aningaasaliissutinik ikaarsaartitsineq

Atuiniinnarneq atuiniikerlu

Ukiup ingerlanerani ingerlatsinerit aningaasaliissutaasimasuni (nettobudget) ukiup tullianut sinneqartoorutit annerpaamik 10 %-ii ikaarsaartinneqarsinnaapput.

Tunngaviusumik aningaasaliissutini matussutissartaqanngitsumik aningaarsartuuteqartoqarsinnaanngilaq. Aningaasaliissutit atuivallaartoqalersillugu Nunaqarfimmi Aqutsisut pisussaapput aningaasanik nuussinissamik imaluunniit aningaasanik ilassutissanik qinnuteqarnissaminut. Nunaqarfimmi Aqutsisut ingerlatsinerit naatsoruutaanni atuiniinnartoqarsimatillugu ukiup aningaasaliiffiusup tulliani taamaaqataanik ilanngaasoqartassaaq.

Atuinerit nalunaarsorneqarnerat

Aningaasanik atuiniinnarnernit atuinikinnerillu aningaasanik ingerlatsiveqarfimmiit ukiumut naatsorsuusiornermut atatillugu naatsorneqartassapput. Atinikinneq atuivallaarnerillu ukiup natsorsuutaasa inerat aallaavigalugu nalunaarsorneqassapput.

Aningaasaliissutinik ikaarsaartitsinerit aningaasanik ilassutissanik qinnuteqarnikkut ingerlanneqassapput. Aningaasanik ingerlatsiveqarfiup Kommunalbestyrelse-mut qinnuteqaatit suliarineqarnerat akisussaaffigissavaa tassanilu nunaqarfimmi allaffimmi



Qaasuitsup Kommuniani Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

sulisut suleqatigalugit suliarineqartassallutik. Ukiup naatsorsuiffiusup inernera aallaavigalugu qinnuteqaasiornissamut tunngavigineqartussat Nunaqarfinnilu Aqutsisunut kingusinnerpaamik marts-ip naanerani aningaasanik ingerlatsiveqarfinniit nalunaarutigineqartassapput.

Aningaasaliissutit allanngortinneqarneri

Ukiup naatsorsuiffiusup allanngortinneqarnera

Ukiup naatsorsuiffiusup ingerlanerani aningaasaliissutit sinaakkusiussat taamaallaat allanngortinneqarsinnaapput Kommunalbestyrelse-p politikikkut aalajangiineratigut assersuutigalugu kommunip tamarmiusup aningaasaliissutaasa allanngortinneranut atatillugu assersuutigalugu aningaasartuutit nutaamik naatsorsorneqartariaqarneranut atatillugu imaluunniit sipaarniuteqartoqarneranut atatillugu.

Aningaasaliissutit qaffanneqarsinnaapput taamaallaat kommunalbestyrelse-p aalajangereratigut.

Suliassa qarfiit allanngortinneqarnerinut atatillugu naqqiissusiornerit

Isumaqatigiissutip avataatigut Kommunalbestyrelse suliassa qarfinnut immikkut ittunut allanngortitsinernullu sukkulluunniit aningaasanik allannguisinnaapput ilassusiillutilluunniit.

Sulisoqarneq

Sulisut amerlassusilerneqarneri allanngortinneqarnerilu Kommunalbestyrelse-p ukiumut aningaasaliiffiusumut missingersuusiornerninut atatillugu aalajangersartassavai. Suliassa qarfinnut atorfeqarnermut piumasaqaateqarnissamut allanngortitsinerit nunaqarfinnilu sulisut Sullissivimmi pisorta q peqatigalugu aalajangersaavigineqassapput.

Nalunaarusiorneq aqutsinerlu

Nunaqarfinnilu Aqutsisut Kommunalbestyrelse-p piumasaqaatai malillugit aningaasat ingerlanneqarnerinut nakkutillineq akisussaaffigaat.

Nunaqarfinnilu Aqutsisut ataavaartumik suliniutinut anguniakkanullu nalilersuisussaataapput. Sullissiviit pisussaaffigaat Nunaqarfinnilu Aqutsisut aningaasaqarnermut ingerlatsinermut nalilersuinerannut atortussanik tunniussaqaarnissaa.

Anguniakkanut nalilersuinermi najoqqutassaritneqartut aallaavigineqassapput. Nunaqarfinnilu Aqutsisut ingerlatat anguniakkamut naapertuutinngippata aaqiissusiornissaq akisussaaffigaat.

Aningaasaqarnerup ingerlanera minnerpaamik qaammammut ataasiarluni misissorneqartassaaq. Aningaasaqarnerup ingerlanerata nalilerneqarnera siunertanut anguniakkanullu sanillersuunneqassaaq. Nunaqarfinnilu Aqutsisuniit makku eqqumaffigineqassapput:



Qaasuitsup Kommuniani Kommunalbestyrelse-p Nunaqarfinnilu Aqutsisut akornanni 2010-mi isumaqatigiissut

- Aningaasanik malunnaatilimmik atuivallaarneq atuinikinnerluunniit

Siunertanut anguniakkanullut tunngatillugu:

- Naatsorsuutiginnngisamik annerusumik ingerlataqartariaqarneq / neqeroortariaqarneq
- Siunertat anguniakkallu inorlugit sipporlugilluunniit ingerlatsineq

Ingerlatsinermi allannguutaasut nalunaarusiornermi ilanngunneqartassapput tassungalu ilanngullugu ukiup naaneranut inernerisassatut naatsorsuutigisat.

Nalunaarusiat Sullissivimmi aningaasanut immikkoortortaqaqarfirmut ingerlanneqartassapput Aningaasaqarnermut Ataatsimiititaliamut nalunaarusiornissamut atugassanngorlugit.

Qulakkeerneqassaaq nunaqarfinni sulisut qarasaasiatigut aningaasaqarnerup ingerlaneranut malinnaanissaminut periarfissaqarlutillu attaveqassasut.

Maalaarutit ingerlanneqartarneri

Nunaqarfimmi allaffimmi sulisuniit aalajangiinernut tamanut atatillugu maalaaruteqaqarnermut ilitsersuineramik malitseqaqartitsisoqartassaaq. Maalaarutit ajornanngippat nunaqarfimmi allaffimmi sulisuniit aaqqinneqassapput. Maalaarut nunaqarfimmi allaffimmi sulisuniit aaqqinneqarsinnaanngippat maalaarfissamut ingerlanneqartassaaq.

Inatsisitigut maalaarsinnaatitannermut malittarisassaqaqarput tamanna tamatigut malinneqartassaaq.

Taamaalilluni Kommunalbestyrelse-p 7. December 2009-imi ataatsimiinnerani akuersissutigineqarpoq.

Jess Svane
Borgmester

Henrik Rafn
Fg. Adm. Direktør